

سؤال و جوابی قدوری شریف ترجمہ سی



مؤلفی

الامام العالم العامل الكامل ابی

الحسن احمد بن محمد بن جعفر

الهمدانی الفقیہ الحنفی

مترجمی

بحریہ چرخچی عملیات مکتبی عقائد

دینیہ معلمی رادویشتہ لی یوزباشی

حسین حسنی



اشبو کتاب عبادات خمسہ ، یعنی کتاب الطہارۃ ، کتاب الصلاۃ ، کتاب الصوم ، کتاب الزکاۃ ، کتاب الحجدن باحث اولوب بر چوق ابواب و فصول متنوعہ بی حاوی اولہرق و بیگی متجاوز مسائل فقہیہ بی شاملدر



طبع ثانی

باب والای فتوا پناہی تدقیق مؤلفات شرعیہ مجلسندہ بالتدقیق ۳۰ نومرولی فی ۳۷ ذی الحجہ ۱۳۲۷ و فی ۲۷ کانون اول ۱۳۲۵ تاریخہ لو رخصت رسمہ سنی حائز در .

تربیہ و تدریسات عسکریہ مفتش عمومیلکنجہ مکانب اعدادی عسکریہ پروگرامنہ قبول بیورلمشدر .



مہر سز نسخہ لری ساختہ اولدینی کبی متجاملر لری دخی نظاماً مشولدر



در سعادت - ۱۳۲۹

یانفالتیدہ کائن - مکتب حربیہ شاہانہ مطبعہ سی

سؤال وجوابی

قدوری شریف ترجمہ سی

— ﴿ بِسْمِ اللّٰهِ الرَّحْمٰنِ الرَّحِیْمِ ﴾ —

الحمد لله الذي وفق من اراد به خيراً للتفقه في الدين . والصلوة والسلام
على سيدنا محمد الذي قال في حديثه من یرد الله به خيراً يفقهه في الدين
وعلى آله واصحابه الكاملين والقراة والتابعين والعلماء العاملين والائمة
المجتهدين ومقلديهم باحسان الى يوم الدين *

﴿ كتاب الطهارة ﴾

سؤال ۱ - كتاب [۱] لغتده نيه ديرلر ؟

جواب - « جمعه » ديرلر .

س ۲ - اصطلاح شرعشريفده (كتاب) نيه ديرلر ؟

[۱] كتاب وكتابت لغتده (جمع) معناسنه اولوب كتب فقهيتهك مسائل
مستقله سي (كتاب) وغير مستقله سي (باب) وبابك دها كوچكي (فصل)
عنوانلريله تصدير اوانوب فقهاء اصطلاحنجه كتاب : مستقل اعتبار اولنان
برطاقم مسائلدر . كرك بوكتابك مسائلي مثلي اولسون : آبدست ، غسل ،
تيم الخ . كرك اولسون : كتاب البيوع ، كتاب الصلاة ، كتاب الحج كبي . قرآن
وقرائت دخي لغت جهنتدن جمع معناسنه در . كتابت حروف وكلماني يازيده ،
وقرائت لفظده ، جمع ايلمكدر .

ج - شمل واحاطه يه ديرلر .

س ۳ - طهارت [۱] لغتده نيه ديرلر ؟

ج - نظافت و تميزلكه ديرلر كه ، عكسى دنس يعنى كيردر .

س ۴ اصطلاح شرعشريفده (طهارت) نيه ديرلر ؟

ج - نجاست حقيقيه و حكيميه دن اعضاء مخصوصه يي تميزلكدر ، كه عكسى حدثر . يا خود رفع حدث و ازاله نجسه درلر ، تعريف

[۱] (طهارت) طانك فتحيله باب اول و خامدن افه مصدر كه نظافت ديمكدر . طانك كسربله اولورسه آت طهارت اولان صو و طوبراق معناينه كلير . طانك ضميه اولورسه مائتطهر بهك بعدالظهر آرمان فضه سنه دبنور . نظافتدن اعم اولورق آنكله هم اجسام ، هم اخلاق ، هم افعال اتصاف ايدر . نكتم پيغمبر ديشان عليه صلواة اللمان افندمن (نبي الاسلام على النظافة) و (النظافة من الايمان) و (الطهور شرط الايمان) بيورمشدر كه مال منيفلري مسلمانلق نظافت و تميزلك اوستنه قورولمشدر . تميزلك ايماندن كلير ، تميزلك ايمانك ياريسيدر . ديمكدر . بناء عليه بردين كه تميزلكي عمل و عبادتن دكل ، ايمان و اعتقاددن جزؤ صايار : البته ارباب عقول آكا « تميزلك ديني » آدينى طاقار . حالبو كه تميزلك ، اوت هر معنايله انسانللك غايه سيدر ، بريتك انسانللى يالكز بوكله ايله . بو كله نك كو - ترديكي بيوكلك ايله آكلاديلير . طارتييلير . « تميزآدمدر » تميزايش بايار » دينير . مسلمانللكده آراديني آنجق بو بتون معنايله تميزلكدر ، حسبآنجه ، اوكلارجه ، افعالجه تميزلك بيوكلكدر . برده امرار طهارت يدي فصل اوزرينه مشتمل اولوب هر بر فصلى ايكيشر ايكيشردر . (۱) ايكي طهارت ، آبدست ، غسل . (۲) ايكي مطهر ؛ صو ، طوبراق . (۳) ايكي حكيم ؛ غسل ، مسح . (۴) ايكي موجب ؛ حدث ، جنابت ، (۵) مبيح ؛ مرض ، سفر . (۶) ايكي اتيان ؛ غائطه ، ملامسه . (۷) ايكي كرامت ؛ تطهيرالذنوب اتمامالنعمة . نعمتك اتمامي ايسه شهيداً ترك حيات ايمكدر . نكتم حديث شريفده « من داوم على الوضوء مات شهيداً » بيورولمشدر . مال منيفي آبدستنه مداوم و داوما آبدستلى اولان كيمسه شهيداً ترك حيات ايدر ديمكدر . (جوهره)

آخر اعم ، تطهیری واجب و یا مندوب اولان محله مطهیری ایصالدن عبارتدر . مطهر دن مقصد، بولندیقی وقت صو، بولندیقی وقت تمیز طوپراقدر .

س ٥ - نجاست حقیقه ایله حکمیه نیه دیر لر ؟

ج - نجاست حقیقه حقیقه نجاست ، که هر بر مستقذر اولان شیلردر قازورات و ساثره کی نجاست حکمیه ، حکماً نجاست کی ، که جنب و یا آبدستسز لکدر

س ٦ - طهارت قاج قسمدر ؟

ج - ایکی قسمدر ، بری حقیقه طهارتکه ، صو ایله طهارتدر ، برده حکماً طهارتدر ، بوده تمیز طوپراق و جنسی ایله طهارتدر که بوده تیمدر .

س ٧ - صوایله طهارت قاج قسمدر ؟

ج - ایکی قسمدر ، بری خفیفه در آبدست کی دیکری غلیظه در که حیض نفاس و جنب لکدن تمیز لک کی .

س ٨ آبدستک فرضری قاجدر ؟

ج - درتدر (١) یوزینی (٢) دیرسکارله بیله قوللرینی (٣) باشنک درتده برینی (٤) طپوقلریله بیله آیاقلرینی بیقامقدر .

س ٩ - دیرسکار ایله طپوقلر بیقامقده داخلیدر ؟

ج - اوت داخادر .

س ١٠ - آبدستک سنتلری قاجدر ؟

ج - سنت مؤکده اوله رقاون بش قدردر . (١) آبدست آلان کیمسه اویقودن اویاندینی وقتده اللرینی صو قابنه دالدرمه دن اوج

کره بیقامق در که [۱] بریسی فرض ایکیسی سنتدر . (۲) آبدستک
ابتداسنده بسمله شریفه یی اوقومق [۲] (۳) مسواک [۳]
شریفه یی استعمال ایتمک (۴) آغزینه صوویرمک (۵) بورنه
صوویرمک (۶) قولاقربی مسح ایلمک (۷) صقال و پرمقربینی
خلاللامق (۸) غسلی اوچه قدر تکرار ایتمک که بری فرض

[۱] قالدیرامی ممکن اولیان کوب ، قزغان و سائره کبی شیرده بولنان
برصودن اللربینی تمیزلنک کیفینی - که آبدست آلمغه دیگر برواسطه بولندینی
تقدیرده دیمکدر . صوقابنک ایچنه طاهر اولان اللربینک صولنی وحتی آنکده
تمامنی دکل ، پرمقربینی بتیشیکجه ادخال ایدوب صوبی صباغ الیه ادخال ایله
صول الی دخی آنکله بیقار . حدث اوزره اولان کیمسه ولوکه حدث اکبر
اولسون صو یاخود طاس آلمق ایچون پاک اولان الی وحتی قولنی صویک
ایچنه صوقنی ایله او صومستعمل اولماز . لکن ازاله حدث ویا امة سنت ایلمک
قصیدله ادخال ایدرسه صویک اله ملاقی اولان قسمی آندن آیرلمغه مستعمل
اولور .

[۲] اگر آبدستک ابتداسنده بسملابی اونوتسه ده اثناسنده سوبله سه
سنت حاصل اولماز ، فقط یمک اثناسنده بسمله اوقونسه سنت حاصل اولور .
زیرا یمکده هر لقمه عمل واحد حکمنده اولوب آبدست ایسه هیئت مجموعه سی
عمل واحد در . حدیث سعادتده « لاصلاة لمن لاوضوءله ولا وضوء لمن
بذکر اسم الله علیه » بیورلمشدر که سأل شریفی آبدستی اولیانک نمازی اولدینی
کبی آبدستنه اسم الله ذکر ایتمیانک دخی آبدستی اولماز دیمکدر که نفس کماله محمولدر .
دیگر حدیث شریفده (آبدستنی اسم الله ایله آلان کیمسه نیک هر طرفی تمیزلیر .
اسم اللهی ذکر ایتمیرهک آلانک یا لکن آبدست مواضی تمیزلیر بیورمشلردر .

[۳] بیله دیکمز مسواک اراک آغاچنک دالیدر و افضلنی اودر . حدیث
شریفده ناطق اولدینی اوزره مسواک آغز ایچون سبب نظافت و جالب رضاه
رب عزتدر . آبدستنده مسواک استعمال اولنان نماز مسواکمز آبدست ایله قلنان
نمازدن یتمش درجه افضلدر . مسواکدن متأذی اولان کیمسه ایچون آکا
مواظبت مستحب اولیوب بلکه آنی احياناً استعمال ایتمک لازم کلیر . مسواک

[۱] ایکیسی سنندر (۹) نیت ایتمک [۲] (۱۰) باشنه قابله مسح ایتمک
[۳] (۱۱) آبدستی ترتیب اوزره آلمق [۴] (۱۲) الله تعالی آیت
کریمه سننده ذکر یله بدأ ایلدیکی عضودن ماشلامق [۵] (۱۳) صاغ

بولم دینی وقتده بر بز پارچه سی یاخود مسبجه پارمغیله دیشلرینی اووالامق
مسواک مقامنه قائمدر .

[۱] فرض ، کندیسنده شبهه اولیان کتاب و خبر متواتر کی دلیل قطعی
ایله ثابت و زیاده و نقصانی قبول ایتمیان حکمدن عبارتدر که ، فاعلی مثاب (۲)
(۲) و بلاعذر شرعی تارکی معاقب و منکری بالافتراق کافر اولور . واجب
ایسه شبهه لی دلیل ایله ثابت اولان حکمه دیرلرکه ، فاعلی مثاب و بلاعذر
تارکی معاقب اولوب منکری کافر اولاز .

سنت — ، افندرض بر ویا ایکی کره ترک ایله برابر دائماً ایشلدیکی شیئه
دیرلرکه حکمی ، فاعلی مثاب ، تارکی ایسه شفاعتدن محروم اولور .
مستحب — ، پیغمبر رضی الله تعالی علیه وسلم عمرنده بر کره ایشلدیکی شیئه
دیرلرکه ، حکمی فاعلی مثاب اولوب تارکی معاقب اولمز .
مباح — ، اتیان ایله ترک ایتمکده مخیر اولان شیئه دیرلرکه ، حکمی ، فعل
ویا ترکنده عدم ثواب و عدم عقابدن عبارتدر .

[۲] نیت قصد قلییدن عبارت اولوب رفع حدث ویا اقامه صلاة ویاخود
آبدست آلمغه یاخود امتثال امر عزیمه آلمقدر . ولساناً سویامکده مستحسندر .
[۳] ربع رأسک بر کره مسح فرض وتمام رأسی بر کره مسح سنندر .
مسحده تکرر مسنون دکلدر . صاغی مسحی ، نیم ، مستلر اوزرینه مسحده
یوبله در . قابله مسح کیفیتنده روایات مختلفه واریسه ده طریق سهلی شودر :
ایکی الیرینی بر مقلریله برابر باشک اؤک طرفنه وضع ایله آرقه سننه طوغری
صیوابه رق کتورمک وبعده قولالیرینی دخی مسح ایتمکدر .
[۴] بلا ترتیب آلتان آبدست صحیح فقط سننه مخالفدر .

[۵] یعنی اول یوزینی صکره قولالیرینی بیقامج صکره باشینی مسح ایتمک
صکره آیلالیرینی اک صکره بیقامله آبدست آبتنده کی ترتیب ذکر یبه
رعایت ایتمک .

جانبلریله باشلامق (۱۴) بوینه مسح ایلمک [۱] (۱۵) آبدست
اعضالرینی بیقارکن فاصله ویرمامکدر . [۲]

پس ۱۱ - آبدستی بوزان شیلر هانکیلریدر ؟

ج - اوکدن وارقه دن چیقان شیلر قان وایرین و صاری صونک
بدندن چیقوب حکم تطهیر کندیسنه لاحق اولان محله تجاوز
ایدوب سیلان ایلمک آبدستی بوزار [۳] .

س ۱۲ - آبدستی اولان کیمسه نك آغزندن نه مقدار قی چیقمه سیله
آبدستی بوزیلور ؟

ج - آغز طولیسی قی آغزندن چیقمله آبدستی بوزیلور . بوده آغزده
طوتمی زورایله ممکن اولاندر [۴]

[۱] حلقوی مسح ایتمک سنت دکل ، بلکه بدعتدر .

[۲] اعمال وضوئی علی التوالی و بلافاصله یا بمق یعنی بری برینه اولشدیروب
بری قوریمه دن دیکرینی بیقماق اوزره غسلده تتابع ایتمکدر .

[۳] قانک غیری اولان آفتی دخی بر درد و علتدن نشأت ایتمک شرطیله
آبدستی بوزار . مثلاً قنماق و قانماق ، یاره و جیان آقن یاخود صیقوب و یا
دشوب آنی آفتق و قان آلدیرمق و حجات اولق و سولاک طوتنق آبدستی
بوزدینی کبی کوزی — که آغزیه رق یاخود ضمه روثی و یاخود پیکارلرده
قبارتی اوله رق — سولانان کیمسه نك کوز یا شلری دخی آبدستی بوزار . اگر
بو حال استمرار ایدرسه او کیمسه صاحب عذر اولور . آغلامق و یا کولمک
صورتیله کلان کوز یا شی صغوغه و زکامه مینی بورنندن اولان آفتی کبی
ظاهر اولوب آبدستی بوزماز .

قولاق ، کوبک ، مہ کبی منفذلردن آغری و آجی ایله کلان آفتی برعلته
مینی اولغله آبدستی بوزار .

[۴] آغز طوسی کلان شی کرک طعام یاخود صافی صو یاخود یخنی قان
یاخود صفرا اولسون قعر معده دن و یاخود جگر خسته لغندن کلدیکی ایچون
نجس و آبدستی بوزار . قیشک سببی اولان غثیان ایله کولکل بولانتبسیدر . (۱)

س ۱۳ - نه مقدار او نومقله آبدست بوزیلور ؟
ج - آبدستی اولان کیمسه یانی اوزرینه یاخود برنسنه یه اتکا ویا
استناد ایدر اولدینی حالده او یومق که ، اگر اول نسنه زائل
اولسه او یویان کیمسه دوشرسه آبدستی بوزیلور [۱]

س ۱۴ - آبدستی بوزان شیرلر دهانه لردر ؟
ج - آبدستی بوزانلردن بریده بایلمق یاخود دیوانه اولق [۲] ورکوع
و سجده لی نمازلرده کندی یاننده کی اولان کیمسه ایشیده جک
قدر کولمک [۳] آبدستی بوزار . [۴]

(۱) متحد اولدجه متفرق صورتیه آزار آزار کلانی دخی عندالاجتماع او مقداره
بالغ اولسه ینه او حکمده در . آغزدن توکوروکه غالب ویا مساوی قان کلسه
ینه آبدست بوزیلور . فقط : الما . ایوا مثللو سرنجه شیرلر ایصرمقله آنلرده
قان اثری اولق آبدستی بوزماز .

[۱] او طور دینی حالده تمایل ایده رک او یویان کیمسه دوشرسه اگر دوشر
ایکن یعنی یانی یره کلدن یاخود کلیرکلز بلافاصل او یانورسه آبدستی بوزولماز .
(درمخنار)

[۲] و سرخوش اولق که صاحبک سوزی قاریشق و یورویشی طولاشیق
اولور . اگر اه و ضرورت کبی برسبب مییحه مینی اولسه ده آبدستی بوزار .
[۳] کولمک اوچ قسم اولوب برنجی تبسمدر که هیچ سسس چیقهمسزین
کولمکه دیرلر که بو، نماز و آبدسته ضرر ویرمز ، ایکنجی ضحک ، یعنی کندی
ایشیده جک قدر کولمکه دیرلر که بو، نمازی بوزار . اوچنجی قهقهه در که
یاننده کی آدم ایشیده جک قدر کولمکه دیرلر . بوده نماز و آبدستی بوزار .
جنازه نمازنده قهقهه ایله کولمک یالکنز نمازی بوزوب آبدستی بوزماز . نماز
خارجنده قهقهه ایله کولمک آبدستی بوزماز . لکن آبدست آلمسی مندوبدر .
(جوهره)

[۴] کولن کیمسه نک صبی و نائم اولماسی و نمازک سـجود و رکوعلی
اولسی شرطدر . زیرا صبی و نائمک اثنای صلاتده کولمیری آبدستی بوزمیوب
یالکنز نمازلی بوزیلور . جنازه نمازنده و سجده تلاوت ایچنده بالغ و بیدارک (۱)

س ۱۵ - غسلك [۱] فرضلى قاچدر ؟
چ - اوچدر (۱) مضمضه [۲] (۲) استنشاق [۳] (۳) ساتر
بدنى بيقامقدر .

س ۱۶ - سنت سنيه ايله غسل آبدستى نصل آلنور ؟

(۱) دخى كولسى آبدستى بوزمىوب يالكز ابطال عمل ايدر . برده مباشرت فاحشه
آبدستى بوزار . يعنى بلا حائل مباشرت فاحشه كه مباشرت مفراط ديمكدر .
تماس فرجين ايله تفسير اولمشدر . بعض علما معانقه ايله اوله جفنى سويلمشدر .
بعضيمى مباشرت مذكوره رطوبتى انتاج ايتسه بيله آبدستى بوزار ديمشدر .
مقتضاي قياس امام محمد قوليدر كه بوباده آبدستك بوزولسى آنجق خروج مذى
ايله اولقدر .

(آبدستى بوزميان شينلر) اون عدد دركه (۱) آرقه و اوكدن غبرى
بر بردن قان ظهور ايدوب چيقدينى برده قالمق . (۲) ياره دن بلا سيلان
ات ، قان دوشمك . (۳) ياره دن و بوروندن ، قولافدن قورد دوشمك .
(۴) عضواسفله ال سورمك . (۵) قادينه دو قنمق . (۶) آغز دولديرميه رق
ق ايتمك . (۷) چوق دخى اولسه بلغم تو كورمك . (۸) نمكن اوزره او طور ديني
برده اويويان كيمسه قايناغى بردن آبرمق احتمالنه دكين تايل ايتمك . (۹) نمكن
اوزره او طور ب اويويان كيمسه بر شيشه ياصلا نغ وحتى ياصلاندينى شى
كيدهرلسه دوشمك احتمالنده اولمق . (۱۰) نمازده اويومق ولو كه ركوع
وسنت وجه اوزره اولان سجود حالنده بولنسون .

[۱] غينك فتحيله غسل بيقامق . غينك ضميمه بيقانق معناسنه دره . اغتسال
تمام جسدى بيقامقدر كه صيچاق صوابله اولانسه استحمام صفوق صوابله اولانسه
ايتراد ديناور . مسلم اولان كيمسه بوايكي صورتك بريله اغتسالى بعضاً فرض
وبعضاً سنت ويا مستحب اولور .

[۲] مضمضه دن مراد صوبى آغزده چاقه لامقدر . بونده مبالغه آبدستده
اولدينى كې سنندر . (غرغره) لازم دكلدر كه ، اوصوبى بوغازده تحريك ايلمكدر .
[۳] استنشاق دن مراد بورون داخلنه يوشاغنه قدر صو آلمقدر . بونده
مبالغه دخى سنندر .

ج - اولاً جنب اولان کیمسه اللرنی و عورت محللربی بیقایوب اکر بدننده نجاست وار ایسه آنی ازاله ایدوب بعده نماز آلدینی کبی بر آبدست آلوب یالکیز آیاقلرنی بیقامنر ، بعده صوی ، باشی وسائر جسدی اوزرینه اوچر کره دوکوب بعده غسل ایتدیکی مکاندن تجاوز ایدوب ایاقلرنی بیقار .

س ۱۷ - غسل آبدستنده قادینلر صاحبربی چوزمک لازمیدر ؟
ج - صاحبربنک کوکلرینه صو بالغ اولدوقده اوروملرنی چوزمک لازم دکلدر . [۱]

س ۱۸ - غسل آبدستنی ایجاب ایدن شیر قاجدر .
ج - درتدرکه (۱) شهوت ایله آتمق وجه اوزره منینک انزالی یعنی یرندن قویسی (۲) انزال اولمقمزین آلت تناسلدن سنت محلنک دیکر بر شخصک اوک ویا آرقه طرفه کیرمی (۳) حیض (۴) نفاسدن چیقمقدر .

س ۱۹ - رسول ذیشان افندمنر غسل آبدستنی قاج یرده سنت قیلدی ؟
ج - بش محله کی (۱) جمعه [۲] (۲) و (۳) ایکی بیرامده (۴) حاجی اولان احراملندوقده (۵) عرفهده وقفه ایچون سنت

[۱] - حاج ارککه زینت اولدینی ایچون وچوزمکده کوچ و کلفت اولدیغندن مطلقاً یعنی دیبلرینه صو واصل اولسون واصل اولسون چوزوب بیقامج لازمدر .

[۲] - بوده صلاة جمعه ایچون اولسی قول راجحدر . پنجشنبه کونی ویا جمعه کیجه سی غسل آبدستنی آتمق ایله قول صر جوجه کوره سنت حاصل اولور . لکن جمعه نمازندن صکره ایدیبلان غسله اجماعاً اعتبار یوقدر . جمعه کونی وچوب اغتسالی ناطق اولان احادیثی علماء کرام حضرتانی توفیقاً بین الاحادیث سنت مؤکده به حمل اتملدر .

قیلیدی . [۱]

- س ۲۰ - مذی [۲] ایله و دیده غسل آبدستی لازم کلورمی ؟
 ج - غسل لازم کلمیوب بونلرده یالکز آبدست آلمق لازم کلور .
 س ۲۱ - [۳] حدنلردن طهارت نه کی صولرله جائز اولور ؟

[۱] اون التي برده غسل ایتک مندوب و مستحبدر . (۱) طاهراً مسلم اولان . (۲) - سناً بالغ اولان . (۳) جنون ، باغینلق و سرخوشلقدن آییلان . (۴) حجامت اولان . (۵) اولویبقایان . (۶) لیلته براته ایرن . (۷) قدر کیجه - نه ایرن . (۸) مدینه منوره به کیرن . (۹) قربان بیرامی صباحی مردلغه وقفه سنده بولنان . (۱۰) طواف زیارت ایچون منادن مکه مکرمه به کلان . (۱۱) صلاة خسوف و کسوفی قیلان . (۱۲) یاغمرور دعا سنه چیقان . (۱۳) ظلمت و فورتنه و زلزله مثللو خوف و دهشته مبنی نماز و نیازده بولنه حق اولان . (۱۴) یولدن کلان . (۱۵) کناهندن توبه ایدن . (۱۶) رمی جار ایدن . (شرنبلالی) حسن بن عمار علی الشرنبلالی علیه رحمة الباری حضرتلری بومقامده کلامنی (تنبیه عظیم) عنوانیله تصدیر ایدرک بیوریور که طهارت ظاهره تک نفع تامی آنجق طهارت باطنه ایله درکه اوده اخلاص اوزره اولمق ، و غل غشدن و حقد و حسد دن نزاht و تباعد ایتک . و کونینه دائر ماسوی . اللهم دن قلبی تطهیر ایلک ایله اولور . بو حالده انسان حق جل و علایه برشی ضمننده دکل ، ذاته و امثال امرینه مبنی کندیسنه عرض افتقار ایله عبادت ایدوب منان متعال دخی آکا عطف رحمت ایدرک مضطر اولدینی حاجاتی قضا ایله من و الفضال اوزره اولغله آرتق سن آنجق (المالك الاحد الفرد) حضرتلرینه بنده اولورسن که کندندن بشقه هیچ برشی تحت رق و مملو کینه آله ماز و هوس و هوای خدمت مولادن سنی آلیقویه ماز . جناب حقه اخلاص اوزره اولوب آنک امری و رضاسی اوزره حرکت ایلیان هر نره ده اولسه محفوف عنایت باری اولور و بیلمدیکنی او کرونور . و اتقوالله و یملکم الله . (شرنبلالی)

[۲] مذی - اینجه بیاض برص و درکه به مدالملاعبه ذکر دن چیقار . و دی - کوچوک آبدست بوزدقدنصکره چیقان قویو صویه دبر لر .

[۳] حدت - دیمک آبدست و زوجنلک حالته دبر لر که ، برینه حدت کبری دبرکینه حدت صغری دبر لر . (جوهره)

ج - یاغمور ، دره ، چشمه ، قویو ، دکز صولریله جائز اولورکه
بونره ماء مطلق دیرلر . [۱]

س ۲۲ - بر صو اوزرینه غیری بر شی غالب اولوب صوی طبیعتدن
چیقارسه آنکله آبدست جائز اولورمی ؟

ج - شربت و سرکه و پشمش سبزه صوی و زعفران کبی غیری بیله
صو اوزرینه غالب اولسه بو کبی مخلوط صولر ایله آبدست آلمق
جائز اولماز و بو صولره ماء مقید دیرلر . [۲]

س ۲۳ - بر طاهر نسنه صویه قاریشوب اوصاف نلثدن برینی تغیر
ایلسه بو صو ایله آبدست جائز اولورمی ؟

ج - سیل و چوژان دیدکری اوت ایله قاریشان صو و صابون و زعفران
کبی صولر ایله اوصاف نلثدن [۳] یالکمز بر وصفی تغیر ایلمش
ایسه آبدست جائز اولور .

[۱] مائعات مزیه نك ماء مطلقه الحاق آنجق نجاست حقیقیه بی تطهیر و
ازالده صحیح اولمشدر . چونکه شرط الحاق موجوددرکه اوده اجزاء
نجاستك بیقانه بیقانه چیقوب نهایت بولمسیدر . بو شرط نجاست حکمیله
منعدمدر . زیرا اعضای محدثه نجاست محسوسه بوقدرکه ناهیسنه حکم
اولنسون . حدث بر امر شرعیدرکه آنک ایچون مانع صلاة اولق اوزره
حکم نجاست واردر . مشایخ آنک ازالسنه مخصوص آلت تعیین ایتشدرکه
اوده ماء مطلق یاخود آنک خلق اولان تیمدر . آرتق او آلتک غیریسنی
آکا الحاق ایتک ممک اوله ماز . (شرنبلالی : طحطاوی)

[۲] ماء مقید اصلی و غیر اصلی اولور . اصلی اولان قاوون ، قارپوز ،
آصمه ، کل صولری کبی غیر اصلی اولان تشریب و یا طبخ ایله امتزاج ایدن
چوربا و بیراق صولری کبی .

[۳] برشیتک اوصاف نلثسندن مقصد | دادی ، رنگی ، فوقوسی
دیمکدر . (جوهره)

س ۲۴ - آغاچ و میوه لردن صیقلان صولر ایله آبدست آلمق جائز اولورمی ؟

ج - صولك مغلوبیتته بناءً جائز اولماز .

س ۲۵ - بر ماء را كد [۱] یعنی طوروجی صوکه کول و حوض کبی آز ویا چوق اولسون نجاست دوشدکده نجاستک دوشدیکی یردن آبدست آلمق جائز اولورمی ؟

ج - جائز اولماز . اما اگر اوماء را كدك [۲] بولسدینی یرك طول وعرضی اوز آرشون اولورسه صویك سطحی $10 \times 10 = 100$ آرشون ایدر بویله صویه نجاستک دوشدیکی یرك غیری طرف لردن آبدست آلمق جائز اولور .

س ۲۶ - ماء جاری نیه دیرلر .

ج - برصمان چوپنی کیدره جك قدر جریانی اولان صویه ماء جاری دیرلر .

س ۲۷ - ماء جایی به نجاست دوشدکده اول صودن آبدست آلمق جائز اولورمی .

ج - آنده نجاست اثری کورونمیدیکی وقتده جائز اولور . زیرا نجاست ، صویك جریانیله بیله قرار و ثبات ایتمز ، شو حالده بر

[۱] ایشته بونك ایچون علیه الصلاة والسلام افندمن آقیان صولره بول وایچنده غسل ایتمکدن منع بیوردی . (جوهره)

[۲] ماء را كد قلیل : نجاسته ملاقی اولمغه اثر نجاست آنده ظاهر اولسه دخی منتجس اولور . کلب بالامق ، ایچنه بر دامله قان یاخود بول ، شراب دوشمك ، لاشه وافع اولمق کبی . فقط اگر صویه کوکرجین ، سرچه قوشی ترسی دوشمك و صوده بالقی ، قوربغه ونخته قوریسی کبی حیوانلر اولمك ایله صو فاسد اولماز .

ایرمق کنارینه برچوق کیمسه لر دیزیلوب آبدست آملری جائز اولور .

س ۲۸ - بیوک کول نیه دیرلر ؟

ج - بر طرفک حرکتیه دیگر طرفی حرکت ایلمزسه آکا بیوک کول دیرلر . [۱]

س ۲۹ - اول کولک ایکی جانبدن برینه نجاست دوشسه دیگر جانبدن آبدست جائز اولورمی ؟

ج - جائز اولور ، زیرا ظاهر اولان اول جانبه نجاست واصل اولمز .
س ۳۰ - سینک و عقرب کبی آقیجی قانی اولیان حیوانک صوده اولسی صوبی افساد ایدرمی ؟

ج - افساد ایتمز ، حتی قانی اولیان حیوان خارجه اولدکنصکره صویه دوشرسه ینه صوبی افساد ایتمز . [۲]

س ۳۱ - بالق وقوربنه وینکج کبی صوده یشایان حیوانلرک صوده اولسی صوبی افساد ایدرمی ؟

ج - افساد ایتمز .

س ۳۲ - ماء مستعملی حدنلری تطهیرده جائز اولورمی ؟

ج - جائز اولماز .

س ۳۳ - ماء مستعمل نیه دیرلر ؟

[۱] ویاخود حوض کبیر دیرلر . دیگر تعریفه کوره صو ، آوجلاندینی وقت کول ویا حوضک دیجی کوزوکما . یکی تقدیرده حوض کبیر دیرلر . اگر صو ، صریح اولورسه دوره اتوز آتی آرشون کلیر .

[۲] کذا آری ، بوجک ، عقرب ، پیره ، تخمه قوریسی ، صوکوبکی ، صو خنبری هپ بوتیلدندر . فقط بیلانک دم سائل اولدیقندن صوبی افساد ایدر .

ج - هر صو ، كه آنكه حدث ازاله اولنه ، يا خود بدنده عبادت قصديه
استعمال اولناه ديرلر .

س ۳۴ - هانكي ديرلر دباغت [۱] قبول ايدر ؟

ج - آدمي دريسي كرامته ختير دريسي نجاسته بناءً دباغت قبول
ايتمز ، بونلردن ماعدا هر دري دباغت قبول ايدوب طاهر اولور .
وبونلردن ياييلان قربه دن آبدست آلمق جائز اولور . دباغ مسلم
وغير مسلم اولمسي مساويدر . كلب دريسي امام اعظم عننده
دباغت قبول ايدوب شافعي مذهبنده قبول ايتمز . [۲]

س ۳۵ - اولوب مردار اولمش اولان ختيرك غيري حيوانك تويلري
و كونش ايله قورومش كيمك وبوينوزي طاهر ميدر .
ج - طاهر در .

س ۳۶ - - برقيويه سيدك ، قان ، شراب ، كبي آقيجي نجاست دوشديكي
وقته اول قيو نصل تميزلور ؟

[۱] دباغت : كه دري تميزله مكدر . بوده حقيقي وحكمي اولور . دباغت
حقيقيه ؛ شب ، مازو ، نار قبونغي استعمال كبي صنعت اجراسيله اولور . دباغت
حكميه ؛ طوپراق ، يا خود كوشلتمك وهوا آلديرمق صورتيله اولور .
دباغت حقيقيه ايله حكميه حكمده مساويدر . يالكلز بربرده فرقليدر كه ، حقيقيه
دباغتنن صكره صواصات ايدن درينك نجاستي اتفاق روايات ايله عودت
ايتمز . حكماً دباغتنده ايكي روايت واردر . آنلك ده يحيى نجاستك عدم
عودتيدر . نكتم متنجس قيونك چكلدكدن صكره صوبي طاهر در .

[۲] يييلان . فاره ديرلري دباعه متحمل دكلدر . جلود طهور دخی
بو قسمنددر . يتون ديدكاري جانوارك دريسي كبي دار حريدن چيقان شيلر
طاهر ايله دباغ اولتمش ايسه طاهر در . نجس ايله داغ اولتمش ايسه نجسدر .
مشكوك ايسه ييقامق افضلدر . (درمختار)

ج - بوكى نچاستلر قيوپه دوشدكده صويك كلپسى چكىلور . بووجهله
صويك اخراجى قويوي پاك ايدر . [۱]

س ۳۷ - اكر كندى كندينه قيوپه فاره ، سرچه ، بوند قوشى ،
صغرجق ، كلر دوشسه قاچ قوغه صونك اخراجيله قيو
تمزلور ؟

ج - بوحيوانلرك اولسييله برابر قيودن بكرمى قوغه بئيله اوتوزقوغهيه
قدر صو چيقاريلور . وقوغه نك بيوك و كوچكلكى حساب
اولنور اكر فاره كديدن قاچهرق ويا خارجده مجروح اولهرق
دوشسه ياخود كدى كلبدن قاچاركن قيوپه دوشسه وديرى اولهرق
چيقارلسه صونك كافهسى چيقاريلور . [۲]

س ۳۸ - اكر قيوپه كوكرجين ، [۳] طاوق ، كدى كندى كندينه
دوشوب اولسه قاچ قوغه چكىلور ؟

[۱] فاز ، اوردك ، طاوق ، ترسى وانسان ، كدى ، كوپك كى اتى
يغمان حيوان ترسلرى وقى و ساليه لرى هپ بو قسمندور .
[۲] برقطه قان ، بول ، شراب ، نچاست مائمه قارشىق ، خنزيردوشمك
ولو اولسييله . ودوشن حيوان سرچه ، فاره بيله صغيرالجه اولسه اولدكدن
صكره شيشمك ، طاغلمق ، توبى دركلك بوسورتلرده قيونك صويى كاملا
چيقاريلور . يوز آرشون ودها زياده سطحده صويى حاوى اولان صهرنجلر
وصو خزانه لرى (حوض كبير) اولغله آنلرك ايچنه باركبر دوشوب اولسه
ترسى لازم كليوب تجسس اوصاف نلكنك بريله اثر نچاست طاهر اولغله در .
يوز آرشوندن اقل اولان صهرنجلر حوض صغير اولغله بونك كى بره كمولى
اولان بيوك كوپلردخى قيو حكمنده اوله جنى - كه كوكرجين كيبلرك اوليسنده
قرق وفاره كيبلرك اوليسنده بكرمى قوغه صو جكمكله تطهير ايديله جگنى .
صاحب درمختار سويلمشدر .

[۲] كوكرجين ، سرچه كى اتى يذنان قوشلرك ترسى صو افساد ايتزه .

- ج - قرق قوغه بینه آلتش قوغه به دك صو چكیلور .
س ۳۹ - اكر قیویه كلب [۱] قیون ، سائر حیوان ویا انسان دوشوب
اولسه نصل تمیزلور ؟
- ج - صویك كافهسی چیقاریلور .
س ۴۰ - اكر قیویه دوشن حیوان شیشسه یاخود طاغلمسه نصل
تمیزلور ؟
- ج - ینه صویك كافهسی چیقارمغله تمیزلور .
س ۴۱ - هانکی قوغه لر استعمالده اعتبار اولنور ؟
- ج - قیولر ایچون استعمال اولنان اورته قوغه اعتبار اولنور .
س ۴۲ - قیودن بیوك قوغه ایله صو چیقاریلورسه نه یاییلور ؟
- ج - وسط قوغه نك احاطه ایلدیکی مقصداری بیوك قوغه ایله صو
اخراج اولدقدقه حساب اولنور .
- س ۴۳ - اكر صو آقچی اولوب توكنمك ممکن اولدیغی صورتده
وصونك كافهسی چیقارمق واجب اولدقدقه نه یاییلور ؟
- ج - اول قیونك اهالیسی قیوده اولان صویك تخمیناً مقصداری
اخراج ایدر .
- س ۴۴ - بومثللو قویولر حتمده دهها بشقه برروایت وارمیدر ؟
- ج - محمد بن حسن حضرتلرندن روایت اولنوب بیوردیكه مذکور
قیودن ایکیوز قوغه دن اوچبوز قوغه به دك صو چیقاریلور .
- س ۴۵ - اكر بر قیوده فاره یاخود فاره نك غیریسی بولنوب نه زمان
قیویه دوشدیکی بیلنمزسه دوشن شی شیشمش و طاغلمش
ایسه اول قیو اهالیسی نه یاپارلر ؟

[۱] اكر غایت كوچك كویك یاوروسی دوشرسه كدی حکمنده در .
(طحطاوی)

ج - اول قیودن آبدست آلوب ویا برشی ییقادیلرسه بر کون بر کیجهك نمازی اعاده ایتدکری کبی اول قیونک صوبی اصابت ایلدیکی شیلرک کافهسنی ییقارلر . [۱]

س ۴۶ - اکر مذکور قویویه دوشن شی شیشمش ویا طاغلمش ایسه نه یایمق لازمدر ؟

ج - امام اعظم حضر تلیرنه کوره اوچ کون اوچ کیجهك نمازی اعاده ایدرلر .

س ۴۷ - امامین عندلرنده نه یایمق لازمدر ؟

ج - قویویه دوشن شی نه زمان واقع اولدینی تحقق ایدهنه دک بر شینک اعادهسی لازمکدر .

س ۴۸ - سؤریعنی آرتقلر قاچ قسمدر ؟

ج - بش قسمدر ، که (۱) بالاتفاق طاهردر که انسان ، حائض و نفساء کافر اولسه دخی آرتنی طاهردر . فقط شراب وراقی ایچنلرک

[۱] انسانک ، یاخود بقر ، غنم ، کبی اتی ینان حیوانلردن برینک قویویه دوشسوب دیری چیقیمی صورتنده اوزرنده نجاست اولدینی تیعن ایدلش اولدیجه صوفاند اولماز ، آنلرک اوبلقلری بولی مشتمل اولنی ظاهر اولدیغنه باقلماز . زیرا دها اول ماء کثیره کیرهک تمیزلنک احتمالی واردر . بواحتمال ، اصالت طهارت ایله قوت بولوب صوبک عدم نرحی انتاج ایدر . (طحطاوی) استر ، حمار ، آنجه ، شاهین ، چایلاق کبی بیرنجی قوشلرک وقورد ، کلب ، قایلان ، مایرن ، چقال کبی حانوارلرک دخی مجرد قویویه دوشمه سیله یعنی ایچنده اولماک وصالیهسی صوبه دکامک شرطیله صومشکوک و متنجس اولماز . زیرا خنزیردن ماءدا هر حیوانک ظاهری حال حیاتنده طاهردر . اکر دوشن حیوانک صالیهسی صوبه واصل اولور ایسه طهارت و نجاست ، کراحت ، مشکوکیت احکامنجه او صومعابه تابع اولمقله اعابنجس ایسه وجوباً نرح کلی لازم کلیر . سکرده ایسه بکرمی قوغه صومچیقاریلیر .

آرتنی طاهر نکلدر . (۲) بالاتفاق نجسدرکه کلب و خنزیر آرتنی
کبی (۳) مختلف فیہدرکه ، آرسلان ، قبلان ، قورت ، تلکی ،
چقال ، فیل و امثالی کبی یرتیجی حیوانانک آرتنی کبی (۴)
مکروهدرکه کدی و باشی بوش اولان طاق و یرتیجی قوشلرک
و بیلان و فاره مثللو اولرده ساکن اولان حیوانانک آرتنی کبی
(۵) . مشکوکردکه مرکب و قاطرک آرقلری کبی .

س ۴۹ - اگر ماء مشکوکردن ماعدا صو بولنمرسه نه یابیلور ؟
ج - اگر ماء مشکوکردن ماعدا صو بولنمرسه آنکله آبدست آلتوب
بعده تیم اولنور تیم ایله آبدستدن هانکیسنی تقدیم ایدرسه
جائز اولور .

﴿ باب التیمم ﴾

س ۱ - تیمم [۱] لغتده نیه دیرلر ؟
ج - قصده دیرلر .
س ۲ - اصطلاح شرعشریفده (تیمم) نیه دیرلر .
ج - یرجنسندن اولان تمیز برشیء تطهیر حدث قصدیه استعماله دیرلر .

[۱] تیمم بوات مرحومهک خصائصندن اولان برطهارتدرکه ، صویک وین
استعمالنه قدرتک فقداندنه طاهر اولان یر یرزیله ازلئ حدث ایلمکدر .
حقلرنده رخصت اولارق مشروع اولمشدر . رخصت هم من حیث الاکة درکه
ارض پاک جنسک سطح ظاهره اکتفا اولمشدر ؛ همده من حیث الحمل درکه
آندن آبدست اعضاسنک نصفه اقتصار ایدلمشدر . (تیمم) کتاب وسنت ایله
نابتدر . کتاب یعنی قرآن ایله ثابت اولدیغنه دلیل (فلم تجمد و ماء فتمموا
صعباً طیباً الخ) آیت کریمه سیدر . حدیث شریف ایله ثابت اولدیغنه دلیل :
(التیمم طهورالمسلم مالم یجدالماء) منطوق پیغمبریدر .

س ۳ - تیمم ایتمک کیملره جائز اولور؟
ج - برکیسه مسافر اولدینی حالده صوبوله میوب یاخود شهر خارجنده بولنوب بر میل ویا دها زیاده صودن اوزاق اولسه ، یاخود صوبی بولسه لکن مریض اولوب صوبی استعمال ایلمکده مرضی شدتانه ، یاخود جنب اولان کیسه صویک استعمالیه شدت بردک اتلافتدن ، یاخود خسته ایدر دیو قورقسه بو صورتلرده یر جنسی اولان طاهر نسنه ایله تیمم جائز اولور . [۱]

س ۴ - تیممک فرضی قاجدر؟

ج - اوچدرکه ایکی ضرب برنیتدر .

س ۵ - جنابت وحدث ایچون تیمم نصلدر؟

ج - هر ایکسی ایچون تیمم [۲] مساویدر .

[۱] اوچ مستثاده تیمم آبدستدن آریلور . برمسلم آبدست آلدقدن صکره صرقت و صکره نایب اولسه او آبدست ایله نماز قیله بیلیر . بو حال بعدالتیمم اولسه قیله ماز . (۲) برکیسه برینه تعلیم قرآن ایچون آبدست آلسه او آبدست ایله نماز قیله بیلیر . فقط تعلیم قرآن ایچون ایتدیکی تیمم ایله نماز قیله ماز . (۳) بر غیرمسلم آبدست آلوب بعده مسلم اولسه او آبدست ایله نماز قیلایلور . لکن تیمم اتتمش ایسه اسلام اولدقدن صکره آننگله نماز قیلاماز .

[۲] تیممک شروط صحتی بسکزددر (۱) نیت (۲) تیممی مباح ابدن عذر

بولنمق (۳) تیمم ؛ طوطراق ، طاش ، قوم کبی بر یوزی جنسندن اولان شیلرک طیب و طاهر ایله اولمق . (۴) مسح ایله تیمم اعضا لرینی تماماً استیماب ایتمک .

(۵) مسحی الک یاخود ال مقامنه قائم اولان شئیک تمامیه ویا قسم اعظمیه ایتمک . (۶) تیمم ایچ یوزیله ایکی ضربه ده اولمق . (۷) آبدستده اولدینی

کبی حال منافی منقطع اولمش بولنمق . مثلاً بورنی قانارکن یاخود استبراسی تام اولمامشکن وقادین ایسه حیض ونفاس ودملری کسلمامش ایکن آلتان آبدست صحیح اولدینی کبی ایدیبلان تیممده صحیح اولماز . (۸) بال موی وقوریمش